

# The Electronic Manipulus florum

www.manipulusflorum.com

## Prelacio ci cum fonte primo

Si autem annunciante te ad impium ut a viis suis conuertatur et non fuerit conuersus, ipse impius in iniquitate sua morietur et tu animam tuam liberasti.

Hic certe euidenter ostenditur quod siue proficiant siue non proficiant auditores; tacere eis non debent sacerdotes, nec ideo rei sunt si forte eorum uerba populi non audiunt uel audita contempnunt. Sed si ab eis corrigendis absistunt quia sic nec exemplo uite prepositorum suorum, nec uerbo doctrine populi contumaces emendari uoluerint, ipsi causa sue perdicionis existunt, et doctores quorum exempla simul et uerba despiciunt, inuoluere criminibus suis omnino non possunt.

Prosper ibidem (de uita contemplatiua libro I.).

Post illa uerba, quibus negligentium sacerdotum finis ostenditur, de pontifice officium suum curante propheta sic loquitur:

Si autem annunciante te ad impium ut a viis suis conuertatur, non fuerit conuersus a via sua, ipse impius in iniquitate sua morietur, et tu animam tuam liberasti (Ezech. xxxix, 9).

Hic certe satis euidenter ostenditur, quod siue proficiant, siue non proficiant auditores, tacere eis non debeant sacerdotes; nec ideo rei sint, si forte eorum uerba populi non audiunt uel audita contempnunt; sed si ab eis corrigendis absistunt: quia si nec exemplo uitae prepositorum suorum, nec uerbo doctrinae populi contumaces emendati proficiunt, ipsi sibi causa suae perdicionis existunt, et doctores suos, quorum exempla simul ac uerba despiciunt, inuoluere criminibus suis omnino non poterunt.

Iulianus Pomerius, *De uita contemplatiua*, 1, 22, 1 (PL 59, col.437C-438A).